

## KLM y Green Aruba cu The Green Challenge

**ORANJESTAD-** KLM a bin cu un competencia yama 'Green Challenge' na unda e compania di aviacion ta reta mundo pa brinda un contribucion den realisacion di e agenda di durabilidad di Aruba. Lo tin un proceso di preliminar unda cu 5 nominado lo keda scogi, e ganado lo bin Aruba 2 biaha pa 2 siman pa hunto cu otro profesional, realisa e concepto E isla kier ta completamente berde na 2020. Despues cu TNO, Carbon War Room di Sir Richard Branson, embahador di sostenibilidad Wubbo Ockels a brasa plan

2020 di Aruba, e compania di aviacion KLM awor tambe a uni su mes na e metanan ambicioso di Gabinete Mike Eman.

### **KLM sosteniendo Green Aruba**

Cu e compania di aviacion ta sinti su mes confortabel cu e proyecto Green Aruba, no ta nada straño. KLM hunto cu Air France tin nuebe aña sigui ta lider e 'Dow Jones Sustainability Index' door di continuamente evalua con e vuelonan y tur cos rond di nan por wordo ehecuta den forma mas duradero posibel.

Hopi cambionan innovativo ya caba a wordo realisa door di KLM den e ultimo añanan. Tin ainda cambionan mucho mas grandi na caminda cu ta wordo anuncia despues.

'Durabilidad ta e yabi pa un miho futuro. E no ta solamente un inversion strategico den bo propio futuro, pero tambe den futuro di bo yiunan, bo nietonan y planeta tera. Cada paso cu nos tuma pa bira pa sostenibel, ta un paso dilanti', asina KLM cu a hasta a desaroya un 'Takes Care Strategy' a bisa. E compania di aviacion ta mira den Aruba un ehempel cu

merece di wordo sigui door di mundo henter. Pasobra cu e isla ta posiciona su mes hopi firme pa ideanan creativo y innovativo, a planea 'Green Challenge'.

### **Participacion**

Despues di un prome seleccion preliminar cinco nominado ta keda scogi. Nan ta wordo invita pa bin Aruba dia 17 di mei pa presenta nan concepto na un hurado cu ta consisti di Prome Minister Mike Eman, CEO di KLM Camiel Eurlings y director di Wereld Natuur Fonds (MNF) Johan van de

Gronden. E ganado ta haya oportunidad pa bin Aruba dos bes y cada bes dos siman pa hunto cu sosten profesional haci su concepto realisabel.

KLM y Green Aruba ta reta bo pa no solamente yuda bo mes y e hendenan di Aruba, pero tambe pa yuda mundo. Si bo ta convenci cu bo concepto ta yuda mundo bira un luga un poco miho pa biba anto ta abo ta e persona cu KLM y Green Aruba ta buscando. Nos ta ofrece bo un plataforma pa demostra con bo concepto ta sostene Aruba den su ambicionnan pa por realisa 2020. 